

秦州志卷之三十一

舊序

秦州新志嶺東周侯實肇厥始草創畧具不果竣役司馬大夫忠孕劉公屬奉使還周旋子舍諸生以公畱心桑梓匪一朝夕胸藏石畫雅抱史才願得衷而裁焉用底厥績庶幾一郡完書永垂不朽公乃殫心綜覈提要挈綱糾詆訂舛曲鬯旁通以眎周侯所修饒可徵信豈匱匱筆之削之而已不佞時以攝篆吳陵忻覩成事諸生徐子文炳等爰用序請不佞否否偶承人乏來守筦籥惟是出納啓閉是謹簿書簡稽是程安所竊史乘而

秦州志

卷之三十一

舊序

一

表章之况郭公有序周侯有序劉公抑自有序不啻詳且美矣不佞何能爲役諸生固請周侯之序在守言守郭公監司所謂有事茲士者也惡在執事攝篆容默默爲不佞曰諾史以傳信載信而行志乘昉古外史柰何無信秦志殘缺幾可百年甲辰會一補葺而多不允韋侯頗有修訂之想而力不終則其信難言之矣海內郡邑爲志乘者不少徒以紀幅幘辨土產載齊諧矜富勝組績織藻備都人士耳目外之觀耳民生利病國計盈虛未克條晰按如指掌廢仁人志士幽隱弗揚貞臣行業不錄則生於斯守於斯者與有責焉

周侯之所草創劉公之所裒裁所爲志職方志建置志
賦役志官師志選舉志人物志方外志藝文大畧纂志
所同卽周侯爲仍舊貫而其中未詳且核者不無待於
重修間讀劉公重修凡例而見一種深心無涯德意
於編摩纂輯外水鄉沈沒可憫也則列陳太僕之繪圖
願拯陷溺兌糧之偏累可商也則例四州縣之額數
普均平竈糧之代徵包賠可釐而革也則披故牘採近
聞列爲控籲之科條願急請命他如故撫臺之戢閩傳
道尊之秉憲劉州守之愛民不可忘也則爲之立傳以
永思林文選之清貞凌中丞之忠讜儲僉憲之著述陳

泰州志

卷之三十一

舊序

二

同貳之剛方不可佚也則爲之標舉以垂範諸凡此類
未可悉數總之網羅故實揚推名賢培邦本蘇民困闡
士節挽頽風舊所不當書而書者則削之不任怨舊所
宜書而不書者則增之不任德蕪穢盡芟璀璨熠煜公
道不磨直筆爲憲成言乎信史與哉而周侯一番草創
得公之修訂於是爲完書後之守茲士者一展卷而三
復爲尋利病之根原洞登耗之情狀究遷革之事宜圖
補抹之實益則公所爲畱意桑梓而續周侯之緒俾其
無遺憾者功等而倍之矣不佞沉埋案牘雅愧不文第
忝代庖幸際成事未敢固辭稍爲糠粃之導以謝諸生

以昭信史若其彪炳光華用爲志重則有諸君子
在天啓甲子九月望日署泰州事揚州府清軍同知東
粵薰來翁延壽題

余素性迂疏不諧時好惟掃軌杜門可無大過願如斯
矣春初攜諸子海陵應科試晤忠孕大參劉公素讀其
修海陵新志甫展卷一讀一擊節贈公讀新志一章穆
然清風謂予長於詩乎詩生於情也咏歌之不足又爲
序揄揚之序曰志之作也非夫抱經世問學濟世宏才
而輔以公世深心疇能拈筆伸紙措半語乎哉海陵方
百八十里幅員甲於揚郡其陵谷變遷風土嬖慝人物

泰州志

卷之三十六

舊序

三

盛衰不得執今議古亦不得泥古妨今所貴詳探博討
集成完業耳大參公漁畋苞房志體備矣彼辭豔而事
弗覈事覈矣而語弗馴語馴矣而非燕許大手筆不須
子羽運斤乎大參覃思竭慮徵材咨訪洗滌蕪穢璀璨
維新凡舊所不當書而書者則削曰無等於稗官之雜
也所宜書而未書者則增曰無祗爲遺珠之匱也微以
顯之幽以闡之德怨罪知總無所避有味乎列傳哉數
事而稱不外溢美一字他或寓言焉或正言焉文辭雖
麗而其凡例凜乎霜鉞有餘畏矣及再讀輯陳太僕
山諸篇次竈糧考想見大參桑梓之誼更爲篤

與敝邑接壤敝邑四面受水宛如釜形一遇水災敝
邑有司代小民呼籲直達宸聽海陵三面受水獨厪八
一人已溺何也志云海陵南傍漕河僅衣帶三十里太
境豪胥據三十里掩百五十里莫以告而耳食者亦惟
知秦州三十里甌窶不知百五十里盡汚邪耶宜大參
公同室纓冠鯁鯁楮穎間矣民竄分徵地方急務夫何
確有成案并髦視之大參切責乎舞文而余重惜乎昏
志誠不以富亦祇以異胡不聞歟奉文免徵金錢纖微
秒忽皆聖明浩蕩洪恩大參特爲標揭以昭臣子對揚
休命尤嚴加劾注奉文免徵遵行在卷該房永不許朦

秦州志

卷之三十六

舊序

四

隴派徵噫此大參公婉辭也得無有徵者乎故鄭重申
飭以杜後來乎志有前後二種摺摭數易寒暑脫稿再
費抽研合之爲一皆大參獨力是惟其直筆足以使才
高才足以副學秩秩乎彬彬乎治法具在籍記云乎哉
嗟乎志近於史史尊乎信如其可信則必可傳茲志也
豈惟在秦以俟他郡國有餘裁也以俟一代有餘采也
大參公千秋之業其在斯乎其在斯乎肯崇禎癸酉清
和月朔日賜進士第通議大夫兵部左侍郎前太僕寺
卿奉敕督理京邊馬政大理寺右少卿太常寺少卿

刑二科都給事中侍經筵昭陽縣志嘉書

昔周官小史志邦國外史志四方而又有土訓誦訓之屬郡乘邑志所從來矣弇州氏亦云一代缺而一代之蹟泯如也一郡邑缺而郡邑之蹟泯如也海陵古志斷簡僅存嗣是則有甲辰癸亥二志前志操觚者頗簡陋從事第失之固耳後志或謂其錯雜不馴出入失當且如楚人之談穀澠越人之談印笮百不得一焉是奚足傳信乎哉竊謂郡縣有乘倣國之有史史經館閣宏裁備一朝大政志則文獻之枯苑閭閣之瘠阜錢穀之登歛河渠之遷革累禩之民風土俗自爲一古今設猥以吮豪伸紙汗青副墨之業而委之孤雲逸客野鶴山癯

秦州志

卷之三十六

舊序

五

雅非身履目擊之人復恣乞米受金之態聽其自抒胸臆任情顛倒傳信之謂何史之大綱先在不虛燬秦爲王心齋先生倡明理學之鄉後來村中學究方伎雜流動相慕倣聚講升堂吠影吠聲遂一概目爲理學如舊志所載崔殷梅月數輩不知其爲何許人皆冒叔敖之衣冠或竊孔林之俎豆猶憶鄉前輩劉念陽先生造余謂過情失實無甚于此此斷當所以大義亟爲駁正者余韙之又如循良傳所漏遺者僞後川兵憲之經濟傳在名臣劉彬庵州守之仁廉得于觀記今特表而出之借光簡編以補闕畧亦一快事也藝文志寥寥數篇幾

如嚼蠟至如李本寧太史修學記雄長詞壇林子仁先生誌銘屬唐荆川鉅筆吉祥殿碑記爲宋學士陸游名篇華公湘正麻元一疏遂爲後世言麻之祖此等龍象人物蝌蚪藝文應不易落于人間今搜得與之流通又一快事也甚如吾秦土瘠而民貧去州治數百武而北率沮洳大墜其村落蕭條其手足胼胝其面目黧黑經年水火耕耨強半委之陽侯不則流金百里原田滄海轉盼已非惡在如枚叔所云東山之府海陵之倉先是陳少僕有敬止集著爲圖說談利病如剝膚此而不載其何以使官茲土者留意於河渠惘然思維遷革之故

乎又如民間爲竈里包賠錢糧最一秕政昔之賢明監司仁廉州守汲汲以民竈分徵請命當路僅能得之而後之不肖有司輒居竈糧數千之羨金爲奇貨猶胥利于包賠用此爲餌仍請合徵而良法遂罷今志考具在不可不三復于斯也秦雖不曠澤國是昔韓范二公相繼過化茲土各有惠政高山景行豈繫異人後來者當不竊竊然望二公溟滓拜其北面矣如臯爲屬邑仍分系各類之後寧核毋濫焉爾他如繪音壽序與帳飲祖道之篇它志或有存者然於郡乘猶馬牛其風悉置不錄借曰史在不虛嫩不隱惡夫以爲不敢出也

邦有不非之義吾寧存厚道云豈崇禎癸酉仲春
明郡外史劉萬春謹書

今郡邑有志蓋卽周官小史之遺也所載沿革形勝
域官師賦役選舉學校兵戎皆關於國政民生之大豈
可任其闕畧俾輪軒之使罔所徵信哉然紀載之任嚴
核爲難倘泛濫猥雜或棄取不當雖連弓累帙反不如
無矣海陵爲江左大州其地襟江負海魚鹽之利甲於
天下實東南沃壤奧區也代遠者弗論自宋以來名宦
則有范文正眞儒則有胡安定卽二公以例其餘已足
以炫耀奕禩雄視他邦矣州舊有志乃明末重修歲久
秦州志

卷之三十六

舊序

七

刻板朽蠹字蹟磨滅不可辨識余承乏茲土見而病之
妄擬卽爲刊定顧以簿書鞅掌又慙才筆竦鄙聞見淺
狹未敢輕議增修然而每遇憲節臨莅吏倉皇呈送故
紙幾同秦碑無字曾是文獻名邦而可蕪陋若此哉爰
諏訪舊家假得向時印本冀將重付剞劂而魯魚亥豕
之訛亦正不少偶乘吏散餘閒篝燈校勘於前人所纂
不敢加損一字庶存本來面目勿致貽譏妄作至於

興朝定鼎以後富教兼施涵濡浹洽聲名文物什伯從前
固宜大書特書以紀化成之盛而余小子自揣庸劣豈
堪遽肩重任將來自有鴻才卓識如班馬其人

筆削昭垂無極余不敏謹斂手於之矣康熙己亥長
知秦州事萊蕪魏錫祚謹序
我

朝聖聖相承重熙累洽治隆千古重農卹士屢沛

絲綸

宸翰天章焜耀壁府敬以登諸簡冊楷樞萬祀猶恐美不勝書
迺秦州全志自勝國之季修輯至今中間雖經補修而
條目未備官茲土者日仰

聖天子嘉惠元元至意挾髓淪肌翔洽充溢而

隆恩鉅典未載汗青非所以颺頌隆平宣播

秦州志

卷之三十一

舊序

八

至德也况秦州瀕江負海東吳杭稻斥澤魚鹽財賦奧區也科
甲蟬聯勛猷鱗煥人文名郡也士尚敦龐女多貞烈風
俗勝地也其間丁糧徭役分合靡常

聖朝憫念下民爲全蠲爲半減爲三之一爲格外之賑養
老殷粟帛之頒掄才廣彙征之額均宜大書特書而八
十餘年文獻無徵稽查莫據仕宦之有政績士品之有
文行閨閈之有清操更僕難數者亦半就湮沒將欲輕
徇采訪則恐以一時之德怨爲是非而獨斷不疑又慮
以一偏之臆見爲毀譽職在司牧因其難而不復過問
旣以一官爲傳舍亦何暇爲茲邦計久遠哉曩

公鈺舊志之版而新之更不增減一字以云慎也師其
意則修之而存慎之之心猶慎之而不議修之之事是
以鳩工開局立意纂輯成書以導揚我

朝邳隆之化紀載茲邦人物之盛迨徵討之下而抱殘守
匱詳不可聞本欲爲畫一之書究難免罣漏之誚董其
事者屢以不敏謝矣雖然前人畏難而貽之後今日之
難前日之所致也今復畏難而中止勢必使今此之僅
存者而亦付之凋零廢墜是存者且因不存者而盡湮
也於是再四思維萬無聽其盡湮之理今取其現存者
萃而梓之以附於魏刻之後其放失鮮稽者畱以俟將

秦州志

卷之三十六

舊序

九

來之增廓夫博學鴻儒名山之藏著述固自不乏以余
之舛陋爲乘章之先安知千載之傳書不因余小子一
日之苦心成之耶至於忠孝節義事協秉彛井里之傳
似宜未泯公論出乎膠庠則以諮之學博虛衷采納勿
濫勿苛每一人一事必經明倫堂會議而後定是非竄
貶憑於輿論非余小子之所敢擅閱是書者或鑒余苦
心而寬其遺漏之失則幸矣否則謂與其不備不如無
修與其間存不若盡棄則余之咎又將奚辭豈雍正六
年戊申九月之吉知江南揚州府秦州事褚世暄謹序
前明天啓四年至崇禎五年修志姓氏

權州事本府清軍同知翁延壽惠來人

知州事李自滋博野人

同知蕭鸞祥隨州人

同知江孔修靈州人

判官沈瑞龍山陰人

判官魯桓會稽人

權學正事張希哲華容人

權學正事尹善繼廣平人

訓導葉萬全華亭人

訓導梁以梓靖州人

泰州志 卷之三十一 舊序

訓導傅汝循吳縣人

訓導顧文燦吳縣人

訓導宋應斗富順人

吏目呂大德歸安人

纂修右參政劉萬春本州人

同輯參議王相說本州人

同輯訓導王騶本州人

同輯諸生徐文炳本州人

同輯諸生儲煥本州人

同輯諸生張廷棠本州人

同輯諸生王化 本州人

國朝雍正六年修志各官姓氏

知州褚世暄 宣化人

州同陳九昌 鑲黃旗人

州判魏徐寬 建昌人

學正徐大中 上海人

訓導曹濬 巢縣人

吏目蔣廷相 山陰人

